



四川大學古籍整理研究所編

儒藏

史部
第一四〇冊

四川大學出版社



四川大學古籍整理研究所 編

儒藏·史部

儒林史傳

第四十冊

四川大學出版社 二〇〇八年

國家「211工程」重點學科建設項目

國家「985工程」創新基地規劃項目

中國孔子基金會重大項目



目錄

景行錄續	清·邊鳴珂輯補		一
後漢儒林傳補逸	清·田普光撰	清·徐乃昌續撰	一三一
元祐黨籍碑考	附慶元偽學黨籍	明·海瑞撰	二四五
元祐黨人傳	清·陸心源撰		二七七
伊洛淵源錄	宋·朱熹撰		八〇一

西廡

先賢林子

林子名放字子邱魯人。生平事業不見於史書。春秋時舉世以紛華相尚。而林放獨問禮之本。其維持世道人心者。直契夫子從先進之旨。故夫子大其問。又因季氏僭旅泰山而嘆其知禮。林放之賢何待問乎。唐開元追封清河伯。詔從祀。宋真宗加封長山侯。明嘉靖以張璁議。謂林放爲聖人所推尊。不宜在弟子列。改祀於其鄉。國朝雍正年。詔復從祀。稱先賢。列西廡第一位。

贊曰



翩翩林子、東山之英。舉世弄影、獨追其宗。大哉一問、天開日晶。永
光廟食、式昭令名。

先賢宓子

宓子、名不齊、字子賤、魯人。爲單父宰、請其耆老賢者、與之共治、遂不下堂而治。孔子曰、子治單父而眾悅、何施而得之。對曰、不齊父其父、子其子、恤諸孤而哀喪紀。子曰、是小民附矣、猶未也。曰、不齊所父事者三人、兄事者五人、友事者十二人。子曰、父事三人、可以教孝。兄事五人、可以教弟。友事十二人、可以教忠。是士附矣、猶未也。曰、此地有賢於不齊者五人、常師之而稟度焉。子曰、堯舜治天下、務求賢以自輔。夫賢者、百福之宗也、神明之主也。惜乎、不齊之治者小也。唐封單父伯、詔從祀。宋封侯。明改稱先賢。國朝因之。

列西廡第二位。

宋溫仲舒贊曰

天生良材，爲魯君子。堂上琴作，邑中民治。五人致逸，受教成美。展禮崇賢，疏封有煒。

先賢公冶子

公冶子名長，字子張，齊人。遊於聖門，卓行宏度，高出尋常，內省不疚，罹災非罪。孔子以其子妻之。及後，魯君聞其賢，嘗使爲大夫，辭弗受。相傳姑蘇城北有治長涇，居民鑿井得石，題曰公冶長之墓。豈其依於言偃，遂僑居不返耶？唐封莒伯，詔從祀。宋封高密侯。明嘉靖改稱先賢。國朝因之，列西廡第三位。

宋向敏中贊曰

德行貞純，公冶孰倫。本非其罪，枉拘厥身。魯堂推善，孔門配姻。俾侯之貴，久而彌新。



先賢公皙子

公皙子名哀、字季次、齊人。系出姬姓、衛公子黑背字子析之後也。爲人潔清不滓、鄙天下多仕於大夫家者、終身不肯屈節。孔子貴之。太史公曰、季次、原憲、讀書懷獨行君子之德、義不苟合當世、終身蓬戶褐衣、蔬食、死而後已。四百餘年、弟子志之不倦、可以知其賢矣。唐封郕伯、詔從祀。宋封北海侯。明嘉靖改稱先賢。國朝因之列西廡第四位。

宋寇準贊曰

賢哉季次、履潔居貞。卷懷不仕、家臣是輕。素王攸嘆、式昭令名。封

密均慶侯社疏榮。



儒藏

景行錄

下冊

先賢高子

高子名柴、字子羔、齊人、敬仲高傒十代孫也。爲人篤孝而有法。年少居魯、知名孔門。自見孔子、未嘗越禮。足不履影。夫子之影。啓蟄不殺、方長不折。執親之喪、泣血三年、未嘗見齒。孔子以爲難。仕於衛、爲士師、別人之足。俄而衛有蒯聵之亂、子羔逃之。別者守門焉。初示之徑、子羔不徑。次示之竇、子羔不竇。又曰、於此有室。子羔乃入。將脫難而行、謂別者曰、吾別子足、今吾在難、正宜報怨、而反逃吾者、三何也。別者曰、斷足、吾自取之、獄將決、而見君愀然不樂、君非私我也。天生君子、其道固然、何敢爲怨。孔子聞之曰、善哉、爲吏用法



一也。思仁恕則樹德，加嚴暴則樹怨。公以行之，其柴乎？是時蒯聵爭國，子路赴難。夫子聞變，遂決之曰：「柴也其來，由也其死矣。」唐封共城伯，詔從祀。宋封共城侯，明嘉靖改稱先賢。國朝因之，列西廡第五位。

宋晁迥贊曰

猗歟子羔，孝心篤矣。慎終泣血，未嘗見齒。難能而能，君子知己。考古褒崇，於斯爲美。

先賢樊子

樊子名須、字子遲、魯人。樊皮之後也。學於聖門。屢以仁知爲問。夫子皆詳語之。少仕於季氏。魯哀公十一年。齊伐魯。冉求帥左師。樊須爲右。季孫曰。須也弱。冉有曰。年雖少。能用命焉。師及齊師戰於郛。齊師自稷曲。師不踰溝。樊須曰。非不能也。不信予也。請三刻而踰之。如之。眾從之。師入齊軍。獲甲首八十。齊人宵遁。夫子聞之曰。義哉。唐封樊伯。詔從祀。宋封益都侯。明嘉靖改稱先賢。國朝因之列西廡第六位。

宋楊億贊曰

學優乃仕、齒於家陪。戎車爲右、誓眾靡回。質疑辨問、仁知旣該。建
侯追策、垂裕方來。



先賢商子

商子名澤字子秀。史記作子季。魯人。屏息受業。延教登席。未踐四科。同涉六籍。唐開元封睢陽伯。詔從祀。宋真宗封鄒平侯。明嘉靖改稱先賢。國朝因之。列西廡第七位。

宋刁衍贊曰

子季從師。服膺儒雅。闕里垂名。同於達者。昔寵睢陽。令旌鄒野。運偶登封。薦臻純嘏。

先賢巫馬子

巫馬子名施、字子期、陳人。篤志好學。嘗爲單父宰。戴星而出、戴星而入。日夜不遑。以身親之。因問子賤。鳴琴而理。不下堂而治。何逸也。子賤曰。我任人。子任力。任人者逸。任力者勞。子其勞乎。後從孔子。孔子命從者持蓋。已而果雨。期問曰。旦旣無雲。而夫子命持雨具。何以知之。子曰。詩不云乎。月離于畢。俾滂沱矣。昨暮月宿畢。以此知之。自是期益留心典籍。博學多識焉。唐封鄆伯。詔從祀。宋封東阿侯。明嘉靖改稱先賢。國朝因之。列西廡第八位。

宋趙昌言贊曰